



**Nasjonalparkstyret
for Jotunheimen
og Utladalen**

Postadresse
Postboks 987
2604 LILLEHAMMER

Besøksadresse
Norsk fjellsenter
Brubakken 2, 2686 Lom
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 57 64 31 47
fminpost@statsforvalteren.no
<http://www.nasjonalparkstyre.no/jotunheimen>

IL Fanaråk v/Anders Fortun

Saksbehandler Eldrid Nedrelo

Vår ref. 2020/11941-3 432.3

Dykkar ref.

Dato 03.02.2021

Dispensasjon - Jotunheimen nasjonalpark - 2020 - 2025 - Fanaråken opp - IL Fanaråk

Vi viser til søknad av 3. november 2020.

Nasjonalparkstyret for Jotunheimen og Utladalen handsama søknaden i møte 1. februar 2021, og gjorde slikt vedtak:

Nasjonalparkstyret for Jotunheimen og Utladalen gjev etter verneforskrift for Jotunheimen nasjonalpark §3 pkt. 5.2 løyve til å arrangere Fanaråken Opp. Løyvet er gjeve med følgjande vilkår:

- Løyvet gjeld konkurranse- og mosjonsløpet Fanaråken Opp ein laurdag i august for åra 2021-2025.
- Deltakartalet skal ikkje overstige 400 i konkurranseklassa.
- Deltakarar og publikum skal gjerast kjende med kva for del av løypa som går i nasjonalparken.
- Deltakarane skal følgje merka sti. For å unngå trakk og slitasje utanfor sti, bør arrangøren legge til rette for retur ned vintervegen.
- Svingane på stien mot toppen av Fanaråken skal merkast med synlege markørar slik at alle må følge desse markeringane (slik arrangøren har gjort tidlegare).
- Det er ikkje lov å nytte sko med metallpiggar under arrangementet
- Fysisk merking, sikringsutstyr og drikkestasjonar skal fjernast så raskt som mogleg etter at løpet er avvikla.
- Etter at arrangementet er gjennomført, skal stien/trasèen opp til Fanaråken turisthytte gåast over og eventuelt søppel skal fjernast.
- Reklame skal ikkje plasserast i nasjonalparken.
- Høgtalaranlegg skal ikkje nyttast til anna enn ordinær speakerteneste i tilknytning til løpet i nasjonalparken. Lydnivå skal avgrensast mest mogleg for å unngå støy i nasjonalparkområdet, jf. verneforskrifta § 3, pkt. 7.3.
- Arrangøren skal etter løpet innan 30.10. kvart år sende rapport til nasjonalparkstyret med opplysningar om m.a. tal deltakarar (både konkurranse og mosjon) og røynsler som er viktige for framtidige arrangement.

Arrangøren tek ansvar for at stien skal vere i like god stand etter løpet som den var på førehand, jf. vedlikehald og steinmuringarbeid som vart gjennomført i 2009 og 2010. Eventuelle skadar skal reparerast snarast råd, og innan 15.september.

Dersom løpet skal arrangerast i 2026, må det sendast ny søknad. Det vil også då vere



aktuelt å gi løyve for fleire år.

Sidan det er DNT Oslo og Omegn som eig Fanaråken turisthytte, gjer vi merksam på at arrangøren også må innhente løyve frå dei.

Ein legg til grunn at det også er aksept frå grunneigar, Luster Austre statsallmenning.

Viser til vedlagt utskrift av møtebok for nasjonalparkstyret, sak 7/2021.

Vedtaket kan påklagast etter reglane i forvaltingslova. Eventuell klage skal stilast til Miljødirektoratet, men sendast via nasjonalparkstyret innan 3 veker etter at vedtaket er motteke.

Med helsing

Eldrid Nedrelo
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:
Luster kommune
Luster Austre Fjellstyre
DNT Oslo og Omegn
Statsforvaltaren i Vestland
SNO Jotunheimen v/Rigmor Solem
Kari Sveen



Saksframlegg

Arkivsaksnummer: 2020/11941-2

Saksbehandlar: Eldrid Nedrelo

Dato: 12.01.2021

Utval	Utvalssak	Møtedato
Nasjonalparkstyret for Jotunheimen og Utladalen	7/2021	01.02.2021

Dispensasjon - Jotunheimen nasjonalpark - 2020 - 2025 - Fanaråken opp - IL Fanaråk

Innstilling frå forvaltar

Nasjonalparkstyret for Jotunheimen og Utladalen gjev etter verneforskrift for Jotunheimen nasjonalpark §3 pkt. 5.2 løyve til å arrangere Fanaråken Opp. Løyvet er gjeve med følgjande vilkår:

- Løyvet gjeld konkurranse- og mosjonsløpet Fanaråken Opp ein laurdag i august for åra 2020-2025.
- Deltakartalet skal ikkje overstige 400 i konkurranseklassa.
- Deltakarar og publikum skal gjerast kjende med kva for del av løypa som går i nasjonalparken.
- Deltakarane skal følgje merka sti. For å unngå trakk og slitasje utanfor sti, bør arrangøren legge til rette for retur ned vintervegen.
- Svingane på stien mot toppen av Fanaråken skal merkast med synlege markørar slik at alle må følge desse markeringane (slik arrangøren har gjort tidlegare).
- Det er ikkje lov å nytte sko med metallpiggar under arrangementet
- Fysisk merking, sikringsutstyr og drikkestasjonar skal fjernast så raskt som mogleg etter at løpet er avvikla.
- Etter at arrangementet er gjennomført, skal stien/trasèen opp til Fanaråken turisthytte gåast over og eventuelt søppel skal fjernast.
- Reklame skal ikkje plasserast i nasjonalparken.
- Høgtalaranlegg skal ikkje nyttast til anna enn ordinær speakerteneste i tilknytning til løpet i nasjonalparken. Lydnivå skal avgrensast mest mogleg for å unngå støy i nasjonalparkområdet, jf. verneforskrifta § 3, pkt. 7.3.
- Arrangøren skal etter løpet innan 30.10. kvart år sende rapport til nasjonalparkstyret med opplysningar om m.a. tal deltakarar (både konkurranse og mosjon) og røynsler som er viktige for framtidige arrangement.

Arrangøren tek ansvar for at stien skal vere i like god stand etter løpet som den var på førehand, jf. vedlikehald og steinmuringsarbeid som vart gjennomført i 2009 og 2010. Eventuelle skadar skal reparerast snarast råd, og innan 15.september.

Dersom løpet skal arrangerast i 2025, må det sendast ny søknad. Det vil også då vere aktuelt å gi løyve for fleire år.



Sidan det er DNT Oslo og Omegn som eig Fanaråken turisthytte, gjer vi merksam på at arrangøren også må innhente løyve frå dei.

Ein legg til grunn at det også er aksept frå grunneigar, Luster Austre statsallmenning.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 01.02.2021

Vedtak

Nasjonalparkstyret for Jotunheimen og Utladalen gjev etter verneforskrift for Jotunheimen nasjonalpark §3 pkt. 5.2 løyve til å arrangere Fanaråken Opp. Løyvet er gjeve med følgjande vilkår:

- Løyvet gjeld konkurranse- og mosjonsløpet Fanaråken Opp ein laurdag i august for åra 2021-2025.
- Deltakartalet skal ikkje overstige 400 i konkurranseklassa.
- Deltakarar og publikum skal gjerast kjende med kva for del av løypa som går i nasjonalparken.
- Deltakarane skal følgje merka sti. For å unngå trakk og slitasje utanfor sti, bør arrangøren legge til rette for retur ned vintervegen.
- Svingane på stien mot toppen av Fanaråken skal merkast med synlege markørar slik at alle må følge desse markeringane (slik arrangøren har gjort tidlegare).
- Det er ikkje lov å nytte sko med metallpiggjar under arrangementet
- Fysisk merking, sikringsutstyr og drikkestasjonar skal fjernast så raskt som mogleg etter at løpet er avvikla.
- Etter at arrangementet er gjennomført, skal stien/trasèen opp til Fanaråken turisthytte gåast over og eventuelt søppel skal fjernast.
- Reklame skal ikkje plasserast i nasjonalparken.
- Høgtalaranlegg skal ikkje nyttast til anna enn ordinær speakerteneste i tilknytning til løpet i nasjonalparken. Lydnivå skal avgrensast mest mogleg for å unngå støy i nasjonalparkområdet, jf. verneforskrifta § 3, pkt. 7.3.
- Arrangøren skal etter løpet innan 30.10. kvart år sende rapport til nasjonalparkstyret med opplysningar om m.a. tal deltakarar (både konkurranse og mosjon) og røynsler som er viktige for framtidige arrangement.

Arrangøren tek ansvar for at stien skal vere i like god stand etter løpet som den var på førehand, jf. vedlikehald og steinmuringsarbeid som vart gjennomført i 2009 og 2010. Eventuelle skadar skal reparerast snarast råd, og innan 15.september.

Dersom løpet skal arrangerast i 2026, må det sendast ny søknad. Det vil også då vere aktuelt å gi løyve for fleire år.

Sidan det er DNT Oslo og Omegn som eig Fanaråken turisthytte, gjer vi merksam på at arrangøren også må innhente løyve frå dei.

Ein legg til grunn at det også er aksept frå grunneigar, Luster Austre statsallmenning.



Dokument i saka

1. Søknad datert 30. oktober frå IL Fanaråk v/ Anders Fortun
2. Tidlegare saksdokument knytt til motbakkeløpet Fanaråken Opp:
 - Dispensasjon frå verneforskrifta for perioden 2010 - 2015.
 - Dispensasjon frå verneforskrifta for perioden 2015 - 2020.
 - Årlege rapportar frå arrangøren, i tråd med vilkår for tidlegare løyve.

Saksopplysningar

Søknaden

Søkjær syner til at Fanaråken Opp er eit framtidsretta nasjonalt og internasjonalt arrangementskonsept med stort vekstpotensiale. Motbakkeløpet startar ved Turtagrø Hotel (868 moh.) og har ein samla høgdeskilnad på 1200 høgdemeter frå start til mål ved DNT-hytta på toppen av Fanaråken (2068 moh.).

Søker med dette om fornying av løyve for nye 5 år frå 2021- 2025

Arrangementet har fått mykje positiv omtale i ulike aviser, i bladet Kondis, nettsida kondis.no, Kondis DVD og ikkje minst på NRK TV. Fanaråken Duathlon blir omtala som Europas tøffaste motbakkeløp og har eit særstort potensiale, ikkje berre som løp, men også når det gjeld å gje Luster Kommune god nasjonal og internasjonal marknadsføring. I ulike media får Luster, Skjolden, Turtagrø og Fanaråken positiv omtale i samband med arrangementet og den nye motbakke- og toppturbølja i Noreg.

Med så mange deltakarar og kanskje like mange tilreisande i tillegg blir arrangementet eit svært stort løft for eit lite idrettslag som IL Fanaråk samstundes som arrangementet vil tilføre næringslivet i Luster kommune gode inntekter.

For meir informasjon om arrangementet viser vi til nettsida www.fanaraaken.com

Me håper på eit raskt og positivt svar til leiar i IL Fanaråk Anders Fortun (tlf . 91 87 00 44).

*Med venleg helsing
for IL Fanaråk
Anders Fortun*

Bakgrunn

Løpet følgjer den vanlege turruta til Fanaråken, og har deltakarklasse både for konkurranse og mosjon. Sidan 2010 har det vore gjeve løyve til gjennomføring av løpet for fem år om gongen. Gjennomføring dei neste åra vil vere slik praksis har vore dei siste 5 åra. Det vert søkt om løyve fram til 2025.

Motbakkeløpet vart arrangert første gong i 2003. Oppmerking vert gjort frå søndag til fredag, der det vert sett opp skilt for høgdemeter og avstand til mål med merkeband og raude plaststolpar, i alt 160 stk., noko som vert gjort for å sikre at løparane finn stien utan problem. I nasjonalparken er det drikkestasjon ved 1600 moh. og ved 1800 moh. med søppelstativ ved dei to nemnde drikkestasjonane. Deltakarane blir gjort spesielt merksame på at løpet skjer i ein nasjonalpark. Arrangementet vert gjennomført etter prinsippet om at alt som ein tek med seg inn, skal ein ta med seg ut.

Rapportane frå løpa i 2015-2017 har vist ein nedgang i totalt tal deltakarar frå 365 til 222 og 239 deltakarar. I 2018 og 2019 var det ikkje forsvarleg å ha målgang på toppen på grunn av



svært dårlege vèr-tilhøve, Alternativt løp mellom Fortun og Turtagrø vart gjennomført desse åra. Dvs. løpet vart ikkje gjennomført innanfor nasjonalparken. I 2020 vart løpet avlyst på grunn av covid-19.

Løpsdato/år	Konkurransklasse	Mosjonsklasse	Totalt
2007****	250	100	350
2008	250	300	550
2009	230	240	470
2010***	166	402	568
2011	197	233	430
2012	220	330	550
2013			
2014	203	225	428
2015	181	185	365
2016	82	140	222
2017	109	130	239
2018*	-	-	-
2019	-	-	-
2020**	-	-	-

* I 2018 og 2019 vart løpet avlyst pga. svært dårleg vèr. Alternativt løp frå Fortun til Turtagrø vart gjennomført.

** I 2020 vart løpet avlyst pga. corona-pandemi.

*** I 2010 vart det innført avgrensing på tal deltakarar med eit tak på 400 deltakarar i konkurranseklassa.

**** I 2007 gav Fylkesmannen i Sogn og Fjordane løyve til å auke tal deltakarar i konkurranseklassa frå 300 til 500.

I 2007 gav Fylkesmannen i Sogn og Fjordane løyve til å auke tal deltakarar i konkurranseklassa frå 300 til 500, men i 2010 vart det innført avgrensing på tal deltakarar med eit tak på 400 deltakarar i konkurranseklassa. Siste åra løpet har vore gjennomført har det altså ikkje vore i nærleiken av den øvre grensa for tal deltakarar som vart sett i 2010. Det er søkt om vidareføring etter same opplegg som før, med gjennomføring i august månad.

Heimelsgrunnlag

Delegering

Nasjonalparkstyret har delegert forvaltingsmyndigheit for Jotunheimen nasjonalpark og Utladalen landskapsvernområde i medhald av vedtekter revidert 13.08.2015.

Verneformål – forskrift

Omsynet til verneverdiane i området er vurdert, særleg opp mot landskap, dyreliv og friluftsliv, jf. verneforskrifta § 2 og naturmangfaldlova §§ 1(Formål), 4 og 5 (forvaltningsmål for naturtypar, økosystem og artar) samt § 7(prinsipp for å ta offentleg avgjerd), jf. § § 8-12 (kunnskapsgrunnlaget og miljørettslege prinsipp).

Formålet med Jotunheimen nasjonalpark er å ta vare på eit stort, samanhengande og villmarksprega naturområde i overgangen mellom austlandsk og vestlandsk fjellnatur som inneheld særprega og representative økosystem og landskap utan tyngre naturinngrep.



Etter § 2 i verneforskrifta for Jotunheimen nasjonalpark heiter det: «*Ålmenta skal ha høve til uforstyrra naturoppleving gjennom utøving av naturvenleg og enkelt friluftsliv med liten grad av teknisk tilrettelegging*».

I samsvar med verneforskrifta § 3, pkt. 5.2 om organisert ferdsel kan nasjonalparkstyret gi løyve til arrangement av typen det er snakk om her:

«Organisert ferdsel som kan skade naturmiljøet, eller ferdselsformer som kan skade naturmiljøet, må ha særskilt løyve av forvaltningsstyresmakta. Forvaltningsplanen skal avklare kva for ferdsel som krev løyve.»

Forvaltningsplan

I framlegg til forvaltningsplan frå 2008 er konkurransar definert som organisert ferdsel som krev dispensasjon frå verneforskrifta. Utkastet til forvaltningsplan har slik føring for organisert ferdsel: «*Følgjande punkt definerer når det må søkjast om særskilt løyve til organisert ferdsel (turar) til fots eller på ski:*

- *Organisert ferdsel som omfattar meir enn 50 personar pr. tur. Langs merkte stiar er grensa 100 personar pr. tur*
- *- - -*
- *Større treningsopplegg, øvingar, jaktprøver, arrangement og konkurransar (sjå kap. 8.10) må ha særskilt løyve (sjå verneforskriftene).»*

Det er elles slike generelle føringar for konkurransar og arrangement i planutkastet frå 2008: «*Slike arrangement har mykje positivt ved at deltakarane er på tur i verneområda. Ulemper kan vere knytte til uroing av dyre- og fugleliv, andre folk på tur i området, og eventuell slitasje, og i tillegg eventuell bruk av motorferdsel for å kunne gjennomføre arrangementet. Det er gjeve løyve til desse arrangementa m.a. på vilkår av at det ikkje blir nytta motoriserte hjelpemiddel unnateke til konkret skadetransport, og at dei er avgrensa i tid. At ein ikkje nyttar motoriserte hjelpemiddel skal og gjelde for andre tiltak det kan vere ønskjeleg å gjennomføre i samband med slike arrangement, t.d. pressedekning. Arrangementa i nasjonalparken må m.a.o. ikkje bli så store at arrangementet er avhengig av motorferdsel, og ikkje vere så store at dei vert uoversiktlege, då dette lett kan føre med seg slitasje og uro.- -»*

Forvaltningsplanen er under revisjon. I framlegg til forvaltningsplan frå 2008 er Fanaråken Opp lista opp som eitt av arrangementa som krev løyve etter verneforskrifta. I framlegget til forvaltningsplan heiter det vidare at det ser ut til at ei øvre grense på 300-400 deltakarar kan vere høveleg, fordi det då ikkje vert eit større arrangement. Slik vil arrangementet kunne gjennomførast utan behov for motorferdsel, og med mindre støy, høgtalarbruk o.l.. Vidare går det fram at arrangement er viktige fordi dei trekkjer friluftsiinteresserte folk til området, gjev god økonomi i reiselivet og kommunane, profilerer natur og verneområda. Arrangement og konkurransar som er komne i godt gjenge med eit opplegg som ikkje går utover verneverdiane, vil kunne få løyve for 5 år om gangen.



Følgjande retningsline er sett i forvaltingsplanen:

Omfanget av arrangement (medrekna eventuell motorferdsel) må ikkje gå utover verneverdiar og verneformål.

Tiltak:

Arrangementa Galdhøpiggen, Tinderittet, Fanaråken Duatlon, Vettisløpet og Bukkerittet vil få løyve ved søknad på visse vilkår. Arrangement skal ikkje bli så store og av ein slik karakter at dei krev motorferdsel for å kunne gjennomførast.

Følgje med og overvake verknaden på miljøet.

Naturmangfaldlova

Miljørettsprinsippa i Naturmangfaldlova §§ 8-12 vert vurdert i alle saker

Presedens

Følgjande arrangement/konkurransar har vore gjennomført i verneområdet dei siste åra:

- Galdhøpiggen - telemarksrenn ved Galdhøpiggen (vår) Ikkje arrangert etter 2017
- Telemarksrenn på Dyrhaugsryggen (vår, ikkje etter 2011)
- Sykkel- og turløpet Fannaråken Duatlon (sommar)
- Nasjonalparkfestival i Utladalen og Årdal m/ Vettisløpet (vår)
- Motbakkeløp Galdhøpiggen (første gong 2008, ikkje arrangert etter 2014)
- High Camp ved Turtagrø (delvis innafor nasjonalparken, vår)
- Besseggenløpet – gammalt turløp som vart starta opp att i 2011.
- Jotunheimløpet, sledehundeløp, mars/april
- sak 52/2017 til Xreid Norway AS for løpet *Xreid 2018*
- Raid des Trolls en Norvège 13.-15. august 2019.

Det er stor interesse for ulike arrangement i verneområdet. I tillegg har ein noko aktivitet med TV-produksjonar som t.d. 71 grader nord. For å unngå uheldig presedensverknad er det viktig å kanalisere arrangement til robuste delar av verneområdet, og halde forstyrringane knytt til arrangement på eit lågast mogleg nivå. Ved løyve til arrangement i Jotunheimen og Utladalen blir det lagt vekt på at det ikkje bør nyttast motoriserte hjelpemiddel unnateke til konkret skadetransport, og at dei er avgrensa i tid og med full opprydding kort tid etterpå.

Vurdering

Fanaråken Opp har vore arrangert i 17 år, med unntak av dei åra løpet har vore avlyst pga. dårleg ver eller Covid-19. Arrangøren søker om løyve for ny periode frå 2020-2025. Løpet følger turløypa til Fanaråken frå Turtagrø, ei mykje nytta turrute.

I framlegg til forvaltingsplan frå 2008 er Fanaråken Opp lista opp som eitt av arrangementa som krev løyve etter verneforskrifta. Arrangementet går ikkje inn i vernesona Hurrungane, men er veldig tett på. Løypetraseen ligg i villreinområdet og kryssar villreintrekket. Fanaråken Opp er såleis eit arrangement «...som kan skade naturverdiane», og det er difor naturleg at arrangementet må vurderast etter verneforskrifta § 5.2 og verneformålet. Tidspunkt for gjennomføring påverkar effektane tiltaket kan ha på naturverdiane.



Området kring Fanaråken er mykje brukt i tursamanheng særleg vår og sommar, med T-merkte stiar til toppen der den sommaropne betente DNT-hytta ligg. Tidlegare har det vore slitasje- og erosjonsproblem på stien mellom Turtagrø og Fanaråken, ovafor Ekrehytta. Det er lagt ned ein stor innsats i åra 2009 - 2012 på stien heilt frå anleggsvegen og opp mot Fannråken med steinsetting, drenering av vatn og revegetering av errodererte område der stien hadde sklidd ut. I tillegg er mange snarveggar mellom svingane stengt med steinmurar.

Situasjonen i området vil bli følgt nøye framover særleg om talet på deltakarar skulle stige. Det er viktig at arrangøren ser sitt delansvar her og legg føringar som er med på og redusere faren for slitasje både langs sjølve stien og på området rundt. Ut frå dagens situasjon er det vanskeleg å sjå at arrangementet medfører meirbelastning på stiar o.a. i form av slitasje så lenge deltakarane ikkje kan nytte piggsko. Slitasjen blir som ordinær turgåing. Det blir stilt vilkår om at deltakarane må halde seg til merka og tilrettelagt sti, dette er særskild viktig både under sjølve løpet og ikkje minst nedatt, evt. at dei føl vintervegen då. Svingane på stien mot toppen skal merkast med synlege markørar og alle skal følge desse markeringane. Dette har arrangøren gjort tidlegare. Naudsynt merking skal fjernast straks etter gjennomføring av arrangementet.

Området blir vurdert av Statens naturoppsyn m.o.t. slitasje. Ferdselsteljar har vore plassert ut i Helgedalen i 2020 for å følgje med på utviklinga gjennom sesongen og over fleire år framover.

Løpet blir gjennomført i høgsesongen for turar i Jotunheimen. Jf. verneformålet (verneforskrifta § 2) skal ålmenta *ha høve til uforstyrra naturoppleving gjennom utøving av naturvenleg og enkelt friluftsliv med liten grad av teknisk tilrettelegging*. Det kan tenkjast at enkelte vil kunne oppleva motbakkeløpet som eit forstyrrende element på turen til Fanaråken, men forvaltinga har ikkje registrert negative tilbakemeldingar om dette.

Kunnskapen om naturmangfaldet i området er henta frå Naturbase, lang forvaltingspraksis og kjennskap til området (naturmangfaldlova § 8). Ein konstaterer at gjennomføring av arrangementet ikkje vil føre til inngrep i landskapet av nokon art. Merkinga vil bli umiddelbart fjerna slik at tiltaket med merking av ruta er av forbigåande art. På det tidspunktet arrangementet vil bli gjennomført, er det lite villrein i området på grunn av høgsesong for turgåarar. Det er sett eit tak på tal deltakarar i konkurranseklassa for å unngå slitasje og uro, og løyvet føreset at det ikkje vert brukt motoriserte hjelpemiddel under og i samband med gjennomføringa av løpet, t.d. pressedekning. Ein reknar at kunnskapsgrunnlaget er godt og føre-var-prinsippet (naturmangfaldlova § 9) vert difor ikkje vektlagt.

Forvaltingsmyndigheita har vurdert omsynet til verneverdiane i området, jf. verneforskrifta § 2, og meiner tiltaket med dei vilkåra som vert sett i løyvet for eit avgrensa tidsrom ikkje kjem i strid med verneverdiane eller verneformålet.

Arrangement vil ha positive ringverknader for lokalt næringsliv og kan også bidra til ei positiv profilering av nasjonalparken. Sjølv om tiltaket isolert sett i liten grad vil påverke naturverdiane, må søknaden vurderast etter prinsippet om samla belastning (naturmangfaldlova § 10). Ved vurderinga av samla belastning må Jotunheimen nasjonalpark og Utladalen landskapsvernområde sjåast i samanheng. I arbeidet med revisjon av forvaltingsplanen må ein gjera ei totalvurdering av kor mange konkurransar/arrangement ein kan ha i nasjonalparken. Det bør her vektleggast at Fanaråken Opp er eit arrangement som



er godt kjent utad og som etter kvart har ein tradisjon i Jotunheimen. Vidareføring eller gjenopptaking av tradisjonsrike arrangement kan bidra til å styrke den lokale forankringa, og bør kunne vere eit kriterium for sortering av arrangement som ein ønskjer å ha i nasjonalparken, dersom ein kjem til eit nivå der ein må prioritere. Det vil i så fall vere ein føresetnad at arrangementet ikkje kjem i strid med verneformålet. Per i dag er ein ikkje kjend med at det er planlagt nye eller gjenopptaking av tradisjonsrike arrangement utanom dei som er gjennomført siste åra.

Slike arrangement har vidare ein positiv effekt ved at dei får folk ut på tur for å oppleve naturverdiane, men dei kan også ha negativ påverknad på andre brukarar av verneområdet og naturverdiane. For å unngå for stor påverknad er det i forvaltingsplanen sett eit tak på tal deltakarar i konkurranseklassane. For Fanaråken Opp har denne grensa vore 400 deltakarar sidan 2010. Frå 2010 til 2017 var det mellom 166 og 203 deltakarar i konkurranseklassane. 2012 var året med flest deltakarar, også i konkurranseklassa, med 220 deltakarar det året. Då deltok 330 mosjonistar. Siste åra frå 2016 har tal deltakarar vore noko lågare, i 2017 deltok 109 i konkurranseklassa og 130 mosjonistar.

I 2013 behandla departementet ei klagesak knytt til tak på deltakarar på 300 for Besseggløpet i Jotunheimen nasjonalpark. Departementet la vekt på at det var viktig å halde på øvre grenser for slike arrangement, men bad nasjonalparkstyret vurdere eit høgare tak grunna den store trafikken over Besseggen. Sjølv om mange besøker Fanaråken kvart år, er talet mindre enn over Besseggen og eit øvre tak på 400 i konkurranseklassa vert difor vurdert som formålstenleg (naturmangfaldlova §9 og §10).

Arrangørane av Fanaråken Opp har årleg sendt inn rapport frå gjennomføringa og det har vorte rydda raskt etter at arrangementet er over. Det er ikkje kome inn melding om uheldige sider ved tidlegare arrangement av Fanaråken Opp.

Med dei vilkåra som er sett i løyvet (naturmangfaldlova § 12), kan ein ikkje sjå at tiltaket vil føre til nokon skade på natur og miljø som krev erstatning (naturmangfaldlova § 11).

Etter ei konkret vurdering der nasjonalparkforvaltaren særleg har vektlagt at tiltaket ikkje strir mot verneformålet, og at tiltaket er av forbigåande art, så kan arrangement gjennomførast innanfor rama med dei gjevne vilkåra.